

眼科闡微

四



卷四貞集

小兒眼科病症

按小兒目病與大人不同大人目病多因憂患惱怒七情色慾所致內傷于臟腑外發于眼目至于小兒目病不過胎毒血熱之故症既不同治法亦異蓋小兒秉受天真不足氣血嫩弱間有雲翳障膜極難療治若發散過則精氣散寒涼多則脾胃傷悞針則光明立失點重則易于傷瞳須認証真切內服之藥要極和平外點之藥勿涉猛烈優游漸進調理得宜日久自然消磨不然心粗手滑鮮

故

有不傷目者每見嬰兒目病自壞者十之一二治傷者十之八九余表而出之為世之為人父母與業斯道者留心焉 凡小兒目赤心經實熱也服宜

導赤散

生地 生甘草 木通 黃芩 赤芍 羌活各等分

共為末每服三錢燈心煎湯下點元靈丹

用

小兒目淡紅心經虛弱也宜服

生犀散

生犀角末二錢 赤芍 柴胡 地骨皮

甘草各五錢

共為末每二錢水一鍾煎七分溫服點白玉錠  
小兒赤眼多淚睛疼心躁并熱翳急驚發搐等症此  
肝熱宜用

瀉青丸

當歸 川芎 防風 胆草 大黃 濕紙包煨 羌活

梔仁各等分一方加甘草赤芍共為末蜜丸芡實大每  
一丸沙糖調下點掃霧丹治大人每服三錢

小兒目黃脾經熱也宜服

瀉黃散

藿香葉 七錢 梔仁 炒一兩 石膏 煨 甘草各五錢

防風四錢 右同蜜酒微炒為末每二錢水煎服 洗礬連膏

小兒目無精彩腎虛也用地黃丸 不能吃丸藥服地黃湯

小兒鬪睛症因悞失築打兼倒撲收驚風 遂使兩目鬪睛宜用

牛黃丸 不用點

牛黃 白附子 肉桂 全蝎 川芎 石膏 煨各一錢五分

白芷 藿香 各五錢 辰砂 麝香 各少許

右為末煉蜜丸桐子大卧時薄荷湯化 三五丸乳母忌口

小兒疳毒患眼閉目不開羞明怕日及目障宜用

生熟地黃湯

生地 酒炒 熟地 麥冬 各一錢 當歸 杞壳 炙甘草

防風 杏仁炒去皮尖 赤芍各五錢 加大黑豆十粒煎豆熟為度去渣服

小兒熱毒患眼宜服

小防風湯

熟大黃 山梔 防風 赤芍 當歸 羌活

炙甘草各等分 共為末每二錢水煎服 點白玉錠元靈丹

小兒風毒患眼宜服

小流氣飲

蟬退 炙草 羌活 天麻 當歸 赤芍 防風

大黃 薄荷 杏仁去皮尖各等分 共為末每服二錢水煎食後溫服點掃霧丹

小兒熱毒患眼宜服

小菊花膏

黃連 黃芩 大黃 菊花 羌活 蒼朮 防風

荊芥穗 各等分 右為末

蜜丸灸寶大每丸白滾湯下點元靈丹賽寶丹

小兒瀉後目閉用健脾養胃補血滋腎等藥

小兒諸毒入目宜服

密蒙花散

蒙花一錢 青箱子 決明子 車前子 各五分

為末用羊肝一具批開摻藥在內線紫紙包水

濕入炭火內煨肝熟空心吃點掃霧丹

小兒積熱上攻血灌瞳神宜服

車前子散

蒙花 羗活 車前 粉草炒 白茯苓炒 黃芩炒

草決明 菊花 胆草炒 各等分共為末每服二

錢食後飲湯下洗白玉錠

小兒頭枕骨疼閉目不開宜服

通頂散

川芎 薄荷 各五錢 茵陳 甘草 各四錢 朴硝 三錢 甜硝亦用

右為細末用少許葦筒吹入鼻中病者含涼水一口吹後吹水如此幾次方愈點白玉錠

小兒猝然驚悸眼目翻騰宜用

鈎藤飲子



鈎藤 炙五錢

麻黃 去節 甘草 炙各三分

天麻

川芎

防風

人參

各七分

全蝎

炒去毒 二錢

殭蠶

一錢二分 炒

水二鍾姜三片煎八分 不拘時服

小兒頭眩覺地屋俱轉閉目不開宜用

人參湯

人參

麥冬

當歸

白朮

防風

各八分

白芍

獨活

黃芪

各一錢二分

官桂

去皮七分

共為劑水二鍾

煎八分食遠服 點至寶丹

小兒手循領乱捻物目直視肝臟實熱也宜用

瀉青丸

方見前用竹葉湯化下

小兒因驚後瞳人不正宜用

人參 一錢 阿膠

糯米炒珠 一錢

水二鍾煎七分温服

明日再服

小兒卒暴中風不省人事目直視痰壅塞也宜用

石燕

火煨醋淬研九次

雄黃

研飛

蛇黃

煨醋淬九次

辰砂

研飛

磁石

煨醋淬九次

石綠

各二兩飛

輕粉

牛黃

粉霜

麝香各五分

金銀箔一百張為衣

共研極細酒煮麪為丸芡實大每一丸薄湯並酒磨

小兒十歲以下一丸分作四服蜜水磨下四歲以下

一丸分作五付未滿一歲分為七付如牙關緊急

不開撬開灌下洗白玉錠

小兒痰涎壅塞牙關緊急目直視宜用

碧霞丹

為

石綠

煨製如前十兩

附子尖去皮

烏頭尖去皮

蝎稍各七十個

三味為末入石綠令勻麪糊為丸如芡實大每用薄荷汁化下一丸更入酒少許溫服須臾吐出涎

痰然後隨證治之如牙關緊急撬開灌之

立效洗至寶丹

小兒目睛睜動此血不足風火相搏也宜用四物湯益其血加柴胡山梔清其肝陰血內榮則虛風自息目不睜動矣

小兒兩目連劄肝經有風也風入于目上下左右如風吹故目連劄也宜用

四物肥兒湯

膿

黃連炒 蕪荑 神麩 麥芽炒各等分

右末水糊丸桐子大每二十九丸空心白湯下不能  
吃丸研碎亦可

小兒眼目癢澁稍覺眊睽視物微昏內皆開竅如針  
目痛按之濃浸出有兩目俱病者有一目獨病者  
宜服

竹葉瀉經湯

柴胡 梔子仁炒 川羌活 升麻 甘草炙

川連各五分 澤瀉 白茯苓 赤芍 草決明

車前各四分 黃芩 大黃各六分 青竹葉十片

水三鍾煎一鍾  
食後溫服

蜜劑解毒丸

梔仁

炒十兩

杏仁

泡去皮尖  
取霜二兩

綿紋大黃五兩

石蜜一斤煉熟

共為末蜜丸桐子大每服三十九丸加至百丸茶湯送下此症俗名漏睛久而不治竟枯兩目大人亦多此症

小兒初生下眼不開者由產母過食辛熱等物致成斯疾當以熊胆少許蒸水洗目一日七次如三日不開用生地散凡小兒不洗淨則穢浸漬于目眇中使眼赤爛至長不瘥

小兒五七歲目閉不開者足太陽經為目上綱足陽

明經為目下網熱則筋縱目不開宜服

助陽活血湯

炙草 黃芪 當歸 防風各一錢 蔓荊子 白芷各五分

柴胡 升麻各七分 水二鍾煎一鍾稍熱服

大人眼睫無力常欲睡閉無疼痛而陰澁難開此服

寒涼太多而直氣不能通九竅也宜用此方

小兒目上下睫癢起肉疣用法除後服

防風散結湯

防風 羌活 歸尾 白芍各六分 紅花 蘇木各少許

蒼朮 茯苓 獨活 前胡 黃芩各五分 細甘草

防已各四分

水二鍾煎一鍾食後大熱服渣再煎病

在睫加黃連柴胡病在下睫加藁本蔓荊子

此病初起或在上眼皮內或在下眼皮內初如豆如  
白果大速服此藥即消日久堅硬如石非刀割去  
不消若因循不治長如桃如盃如盞高大痛則傷  
命大人亦有此症余屢屢治過俱以此方收功神  
效

痘

小兒痘後目赤腫不開者宜用

洗肝散

川芎 當歸 防風 羌活 薄荷 山梔

甘草 各等分水煎食後服

睛疼昏暗加石膏南谷精草桑豆皮睛有翳膜者加  
蟬退白蒺藜實熱便閉加大黃按川芎當歸入肝  
經養肝血主乎風防風羌活薄荷皆風藥也肝者  
火之母一火動則五火俱煽動梔子甘草所以清  
肝火也諸藥皆滌薄之品故云洗肝散洗礬連膏  
痘後目不赤腫疼黑暗處則開見陽光則淚出癢溢  
難開宜用洗肝明目散

當歸 川芎 羌活 防風 山梔 胆草 柴胡



蒙花 木賊 各等分 為末每一錢沙糖水調下過百日

點至寶丹

按此方當歸以補其血川芎亦然目得血而能視  
羗防以散其熱熱退則目明甘草梔子柴胡入肝  
經以清肝火肝清則目亦清蒙花木賊治拳毛倒  
睫眼中流淚不可少之藥也

痘後翳膜遮睛宜用

地黄散

熟地 當歸 防風 蟬退 羗活 白蒺藜炒

木賊 各一錢 黑參 五分 南谷精草 一錢 沙苑蒺藜 一錢